

四庫全書

集部

欽定四庫全書

集部
樂府雅詞卷中

詳校官編修_臣周瓊

侍讀_臣孫球覆勘

總校官庶吉士_臣朱鈐

校對官中書_臣吳甸華

謄錄監生_臣梁鳴岐

欽定四庫全書

樂府雅詞卷中

宋 曾慥 編

蘭陵王

周美成

柳陰直煙裏絲絲弄碧隋堤上曾見幾番拂水飄綿送
行色登臨望故國誰惜京華倦客長亭路年去歲來攀
折柔條過千尺閒尋舊蹤跡又酒趁哀絃燈照離席
梨花榆火催寒食愁一箭風快半篙波緩迴頭迢遞便
數驛望人在天北悽惻恨堆積漸別浦縈迴津堠岑

寂斜陽冉冉春無極空月榭攜手露橋聞笛追思前事
似夢裏淚暗滴

瑞龍吟

章臺路還見褪粉梅梢試花桃樹惜惜坊陌人家定巢
燕子歸來舊處黯凝竚曾記箇人癡小乍窺門戶清
晨淺約宮黃障風映袖盈盈笑語前度劉郎重到訪
隣尋里同時歌舞惟有舊家秋娘聲價如故吟牋賦
筆猶記燕臺句知誰伴名園露飲東城閒步事與孤鴻

去探春盡是傷離緒
官柳低金縷
歸騎晚纖纖池塘
飛雨斷腸院落一簾風絮

慶宮春

天接平岡山圍寒野
路長乍轉孤城衰柳啼鴉驚風過
雁動人一片秋聲倦遊休駕
淡煙裏微茫見星塵埃
憔悴生怕黃昏離思牽縈
華堂舊日逢迎花艷參差香
霧飄零絃管當頭惟他絕藝
夜深簧暖笙清眼波傳意
恨密約忽忽未成許多煩惱
都為當時一餉心情

風流子

新綠小池塘。風簾動、碎影舞斜陽。羨金屋去來舊時巢。
燕土花繚遶，前度梅塙繡閣，鳳幃深幾許。聽得理絲簧。
欲說又休，慮乖芳信，未歌先咽，愁近清商。暗想新粧
了，開朱戶，應是待月西廂。苦恨夢魂今宵不到伊行。問
甚時却與嘉音密，耗暗將潘鬢偷換，韓香天便教人霎
時相見，何妨。

滿庭芳

風老鶯雛雨肥梅子午陰槐影清圓地卑山近衣潤費
鑪烟人去烏鳶自樂小橋外新綠濺濺凭欄久黃蘆芳
竹疑泛九江船年年如社燕飄零瀚海來寄脩椽且
莫思身外長近樽前憔悴江南倦客不堪聽急管危絃
歌筵畔先安簾枕容我醉時眠

尾犯

粉牆低梅花照眼依然舊風味露痕輕綴疑淨洗鉛華
無限清麗去年勝賞曾孤倚冰盤同宴喜更可惜雪中

高士香篝熏素被 今年對花最怱怱相逢似有恨依
依愁瘁凝望久青苔上旋看飛墜相將見脆圓薦酒人
正在空江烟浪裏但夢想一枝瀟灑黃昏斜照水

隔浦蓮

新篁搖動翠篠曲逕通深杳夏果收新脆金丸驚落飛
鳥濃藹迷岸草蛙聲鬧暴雨鳴池沼 水亭小浮萍破
處簷花簾影顛倒綸巾羽扇困臥北窗清曉屏裏吳山
夢自到驚覺依然身在江表

定風波

莫倚能歌歛黛眉此歌能有幾人知
日風前花月底重理好聲須記得來時
苦恨城頭傳漏水催起無情那解惜相思
莫訴金樽推玉臂從醉明朝有酒遣誰持
少年游

并刀如水吳鹽勝雪纖指剖新橙
錦幄初溫獸香不斷相對坐調笙
低聲問向誰邊宿城上已三更馬滑霜
濃不如休去直自少人行

秋藥香令

乳鴨池塘烟暖風緊柳花迎面午粧粉指印窗眼曲裏
長眉翠淺聞知社日停針線探新鶯寶釵落枕夢春
遠簾影參差滿院

意難忘

衣染鶯黃愛停歌駐客勸酒持觴低鬟蟬影動私語口
脂香蓮露冷竹風涼判劇飲淋浪漏漸深移燈背壁細
與端相知音見說無雙解移宮換徵未怕周郎顰眉

知有恨貪要不成粧些箇事惱心腸待說與何妨又恐
伊尋消問息瘦損容光

點絳脣

遼鶴重來故鄉多少傷心地錦書不寄魚浪空千里

憑仗桃根說與悽涼意愁無際舊時衣袂猶有東風泪
風流子

楓林彫晚葉關河迥楚客慘將歸望一川暝靄雁聲哀
怨半規涼月人影參差酒醒後泪花銷鳳蠟風幙卷金

泥砧杵韻高喚迴殘夢綺羅香減牽起餘悲 亭臬
分袂地難堪處偏是掩面牽衣何況怨懷長結重見無
期想寄恨書中銀鈎空滿斷腸聲裏玉筍偷垂多少舊
愁密意唯有天知

齊天樂

綠蕪彫盡臺城路殊鄉又逢秋晚暮雨生寒鳴蛩勸織
深閣時聞裁剪雲窗靜掩歎重拂羅裯頓疎花簾尚有
綵囊露螢清夜照書卷 荆江留滯最久故人相望處

離思何限渭水西風長安亂葉空憶詩情宛轉凭高眺
遠正淥液新蒨蟹螯初薦醉倒山翁但愁斜照歛

早梅芳近

繚牆深叢竹繞宴席臨清沼微呈纖屐故隱烘簾自嬉
笑粉香粧暈薄帶緊腰圍小嘆鴻驚鳳翥滿座看輕妙
酒醒時會散了迴首城南道河陰高轉露脚斜飛夜
將曉異鄉淹歲月醉眼迷登眺路迢迢恨滿千里草

水龍吟

素肌應怯餘寒艷陽占立青蕪地樊川照日靈闕遮
路殘紅歛避傳火樓臺妬花風雨長門深閉亞簾櫳半
濕一枝在手偏勾引黃昏泪別有風前月底布繁陰
滿園歌吹朱鉛退盡潘郎却酒昭君乍起雪浪翻空粉
棠縞夜不成春思恨玉容不見瓊英謾好與何人比

品令

夜闌人靜月痕寄梅梢疎影簾外曲角闌干近舊攜手
處花霧寒幾陣應是不禁愁與恨縱相逢難問黛眉

曾把春衫印後期無定腸斷香銷盡

月中行

蜀絲趁日染乾紅微暖面脂融博山細炷藹房櫳靜看
打窗蟲 愁多膽怯疑虛幙聲不斷暮景疎鐘團團四
壁小屏風淚盡夢啼中

虞美人

疎籬曲徑田家小雲樹開秋曉天寒山色有無中野水
一聲鐘起送孤蓬 添衣策馬尋亭堠愁抱惟宜酒菰

蒲睡鴨占陂塘疑被行人驚散不成雙

又

玉觴纔掩朱絃悄彈指壺天曉回頭猶認倚墻花只向
小橋南畔便天涯銀蟾依舊當窻滿顧影魂先斷淒
風休颭半殘燈擬倩今宵歸夢到雲屏

少年游

簷牙縹緲小紅樓涼月掛銀鈎
聒席笙歌透簾燈火風
景似揚州
當時面色欺春雪曾伴美人遊
今日重來

更無人問獨自倚闌愁

點絳脣

孤館迢迢暮天草露霑衣潤夜來秋盡月暈通風信
今日原頭黃葉飛成陣知人悶故來相趁共結分岐恨
又

征騎初停酒盃欲散離歌舉柳汀蓮浦看盡江南路
苦恨斜陽冉冉催人去空回顧淡煙橫素不見揚鞭處
浣溪沙

寶扇輕圓淺畫繒象牀平穩細穿滕飛蠅不到避壺冰
翠枕面涼頻憶睡玉簫手汗錯成聲日長無力看人
凭

又

薄薄紗厨望似空簾紋如水浸芙蓉起來嬌眼未醒忪
強整羅衣擡皓腕更將紈扇掩酥胸羞郎何事面微
紅

又

翠葆參差竹徑成新荷跳雨碎珠傾曲欄斜轉小池亭
風約簾衣歸燕急水搖花影戲魚驚柳梢殘日弄微
晴

又

雨過殘紅濕未飛珠簾一桁透斜暉遊蜂釀蜜竊香歸
金屋無人風竹亂夜篝盡日水沉微一春須有憶人
時

又

樓上晴天碧四垂樓前芳草接天涯
勸君莫上最高梯
新筍看成堂下竹落花都入燕巢泥
忍聽林表杜鵑啼

又

日射歌紅蠟帶香風乾微汗粉襟涼
碧紗對捲簾紋光
自剪柳枝明畫閣戲拋蓮的種
池塘長亭無事好思量

卜筭子

陳瑩中

身如一葉舟萬事潮頭起水長船高一任伊來往洪濤
裏潮落又潮生今古長如此後夜開樽獨酌時月滿
人千里

一落索

體上衣裳雲作縷不論寒暑世間多少老婆禪猶苦問
臺山路堪笑龐翁無趣臨行却住古人公案不須論
還了得如今否

減字木蘭花

大江北去未到滄溟終不住淮水東流日夜朝宗亦未
休香爐烟裊濃淡卷舒終不老寸碧千鍾人醉華胥
月色中

又

華胥月色萬水千山同一白南北相望獨醉香山舊草
堂淮岑妙境十載醺酣猶未醒一腹便便也讀春秋
也愛眠

卜筭子

只解勸人歸都不留人住南北東西總是家勸我歸何處
去住總由天天意人難阻若得歸時我自歸何必
閒言語

又

黃了舊皮膚最是風流處多少紛紛陌上人不聽春鵲
語觸目是家山到了須拈取雲散長空月滿天那箇
還鄉路

又

夢裏不知眠覺後眠何在試問眠身與夢身那个能祇對醉後有人醒醒了無人醉要識三千與大千不在微塵外

青玉案

碧空黯淡同雲繞漸枕上風聲峭明透紗窗天欲曉珠簾纔捲美人驚報一夜青山老使君留客金樽倒正千里瓊瑤未經掃欺壓梅花春信早十分農事滿城和氣管取明年好

驀山溪

扁舟東去極目滄波渺千古送殘紅到如今東流未了
午潮方去江月照還生千帆起玉繩低枕上鶯聲曉
錦囊佳句韻壓池塘草聲過去年雲惱離懷餘音繚繞
倚樓看鏡此意與誰論一重水一重山目斷令人老

減字木蘭花

世間藥院只愛大黃甘草賤急急加工更靠硫黃與鹿
茸鹿茸喫了却恨世間涼藥少冷熱平均須是松根

白茯苓

滿庭芳

擾擾忽忽紅塵滿袖自然心在溪山尋思百計真箇不
如閒浮世紛華夢影囂塵路來往循環江湖手長安障
日何似把漁竿盤旋那忍去他邦縱好終異鄉關向
七峰回首清泪斑斑西望烟波萬里扁舟去何日東還
分攜處相期痛飲莫放酒杯慳

又

槁木形骸浮雲蹤跡一年兩到京華又還乘興往看洛
陽花聞道鞦紅最好春歸後終委塵沙忘言處花開花
謝不似我生涯年華留不住饑飡困寢觸處為家這
一輪明月本自無瑕隨分冬裘夏葛都不會赤水黃芽
誰知我春風一拐談笑有丹砂

又

淮葉繽紛江烟濃淡別樽同倒寒暉來逢春信霜露惹
征衣往事元無是處何須待回首知非春鶉語從來勸

我常道不如歸 家山何處近江樓
簾櫳夕卷朝飛問
西江筍蕨何似鱸肥且置華胥舊夢忘言處
千古同時
君知我平生心事相契古來稀

醉蓬萊

問東州何處境勝人幽兩俱難得
狼山相望有高堂千
尺妙曲轟空綵雲翻袖樂奏壺天長日笑我飄然蓬窻
竹戶只延山色 擬掉觥舡徑衝花浪直造瑤筵共醺
仙液仍乞蟠桃向廬山親植未舉江帆早逢淮雁問故

人蹤跡遠老池邊陶翁琴裏此情何極

臨江仙

聞道洛陽花正好家庭戶春風道人飲處百壺空年
年花下醉看謝幾番紅此別又從何處去風萍一任
西東語聲雖異笑聲同一輪深夜月何處不相逢

蝶戀花

海角芳菲留不住筆下風生飛入青雲去仙錄有名天
賜與致君事業安排取要識世間平坦路當使人人

各有安心處黑髮便逢堯舜主笑人白首歸南畝

卜筮子

咄咄汝何人眼在眉毛下明月相逢萬里來何處分真假
問著總無言有口番成啞荆棘林中自在身即是知音者

念奴嬌

徐師川

素光練靜照青山隱隱修眉橫綠鵲樓高天似水碧
瓦寒生銀粟萬丈輝光奔雲湧霧飛過

闕

屋更無塵

翳皓然冷浸梧竹 因念鶴髮仙翁當時曾共賞紫岩
飛瀑對影三人聊痛飲一洗閒愁千斛斗轉參移鬢然
歸去萬里騎黃鵠一川霜曉叫雲吹斷橫玉

浣溪沙

章水何如潁水清江山明秀發詩情七言還我是長城
小小鈿花開寶靨纖纖玉筍見雲英十千名酒十分
傾

虞美人

梅花元自江南得還醉江南客雲中雨裏為誰香聞道
數枝清笑出東牆多情宋玉還知否梁苑無尋處
脂為萼玉為肌却恨惱人桃杏不同時

卜筮子

心空道亦空風靜林還靜卷盡浮雲月自明中有山河
影供養及修行舊話成重省豆爆生蓮火裏時痛撥
寒灰冷

又

天生百種愁掛在斜陽樹綠葉陰陰占得春草滿鶯啼處
不見生塵步空憶如簧語柳外重重疊疊山遮不
斷愁來路

又

清池過雨涼暗有清香度縹緲娉婷絕代歌翠袖風中
舉忽斂雙眉去總是關情處一段江山一片雲又下
陽臺雨

鷓鴣天

綠水名園不是村
淡粧濃笑兩生春
笛中已有多愁怨
雨裏因誰有泪痕
香旖旎酒氤氲
多情生怕落紛紛
舊來好事渾如夢
年少風流付與君

又

滿眼紛紛恰似花
飄飄泊泊自天涯
雨中添得無窮濕
風裏吹成一道斜
銀作屋玉為車
姮娥青女過人家
應嫌素面微微露
故著輕雲薄薄遮

踏沙行

素景將闌黃花初笑登高一望秋天杳
邀賓攜妓數能來醉中贏得閒多少
佳氣氤氲飛雲縹緲竹林更著清江
遶高歌屢舞莫催人華筵直待華燈照

又

畫棟風生繡筵花繞層臺勝日頻高
眺清輝爽氣自娛人何妨稱意開顏笑
水碧無窮山青未了斜陽浦口歸帆少
雲鬢烟鬢只供愁琵琶更作相思調

又

玉露團花金風破霧高臺與上晴空去舉杯相屬看前
山烟中亂疊青無數皓齒明眸肌香體素惱人正在
秋波注因何欲雨又還晴歌聲遏得行雲住

南歌子

山樊

細藥黃金嫩繁花白雪香共誰連壁向河陽自是不須
湯餅試何郎婀娜鬢鬆髻輕盈淡薄粧莫令韓壽在
伊傍便逐遊蜂驚蝶過東牆

鷓鴣天

宜笑宜顰堂上身能歌能舞惡精神
臉邊紅入桃花嫩
眉上青歸柳葉新
嬌不語易生嗔
尊前還是一番春
深杯百罰重拚却只為妖嬈醉得人

浣溪沙

西塞山前白鷺飛
桃花流水鱖魚肥
一波纔動萬波隨
黃帽豈如青
筓羊裘何似綠
蓑衣斜風細雨不須
歸

又

新婦磯邊秋月明
女兒浦口晚潮平
沙頭鷺宿戲魚驚
青蒻笠前明
此事綠蓑衣底慶
平生斜風細雨小舟輕

鷓鴣天

西塞山前白鷺飛
桃花流水鱖魚肥
朝廷若覓玄真子
晴在長江理釣絲
青蒻笠綠蓑衣
斜風細雨不須歸
浮雲萬里烟波客
惟有滄浪孺子知

又

七澤三湘碧草連洞庭江漢水如天朝廷若覓玄真子
不在雲邊則酒邊 明月棹夕陽船鱸魚恰似鏡中懸
絲綸釣餌都收却八字山前聽雨眠

張志和漁父詞云西塞山前白鷺飛桃花流水鱖魚
肥青箬笠綠蓑衣斜風細雨不須歸顧況漁父詞云
新婦磯邊月明女兒浦口潮平沙頭鷺宿魚驚東坡
云玄真語極麗恨其曲度不傳加數語以浣溪沙歌
之云西塞山前白鷺飛散花洲外片帆微桃花流水

鰕魚肥自芘一身青
蒨笠相隨到處綠
蓑衣斜風細雨不須歸
山谷見之擊節稱賞且云惜乎散花與桃花字重疊又漁舟少有使帆者乃取張顧二詞合為浣溪沙云新婦磯邊眉黛愁
女兒浦口眼波秋
驚魚錯認月沉鈎
青蒨笠前無限事
綠蓑衣底一時休
斜風細雨轉船頭
東坡跋云魯直此詞清新婉麗問其最得意處以山光水色替却玉肌花貌真得漁父家風也然纔出新婦磯便入女兒浦此漁父無乃太濶

浪乎山谷晚年亦悔前作之未工因表弟李如麓言
漁父詞以鷓鴣天歌之甚協律恨語少聲多耳因以
憲宗畫像求玄真子文章及玄真之兄松齡勸歸之
意足前後數句云西塞山前白鷺飛桃花流水鱖魚
肥朝廷尚覓玄真子何處如今更有詩青莢綠蓑
衣斜風細雨不須歸人間欲避風波險一日風波十
二時東坡笑曰魯直乃欲平地起風波也東湖老人
因坡谷互有異同之論故作浣溪沙鷓鴣天各二闋

云

青玉案

賀方回

凌波不過橫塘路但目送芳塵去錦瑟華年誰與度月
臺花榭瑣窓朱戶惟有春知處碧雲冉冉蘅皋暮綵
筆新題斷腸句試問閒愁都幾許一川烟草滿城風絮
梅子黃時雨

獻金盃

風軟香遲花深漏短可憐宵畫堂春半碧紗窓影卷帳

蠟燈紅鴛枕畔密寫烏絲一段
採蘋溪晚拾翠沙空
儘愁倚夢雲飛觀木蘭艇子幾日渡江來心目斷桃葉
青山隔岸

感皇恩

蘭芷滿芳洲游絲橫路羅襪塵生步迎顧整鬢顰黛脉
脉多情難語細風吹柳絮人南渡回首舊遊山無重
數花底深朱戶何處半黃梅子向晚一簾疎雨斷魂分
付與春將去

浣溪沙

秋水斜陽遠漾金
平山隱隱隔橫林
幾家村落幾聲砧
記得西樓凝醉眼
昔年風物似於今
只無人與共登

臨

又

鼓動城頭啼暝鷗
過雲時送雨些些
嫩涼如水逗窻紗
弄影西廂侵戶月
分香東畔拂墻花
此時相望抵天涯

又

烟柳春梢蘸暈黃
井欄風綽小桃香
覺時簾幕又斜陽
望處定無千里眼
斷來能有幾迴腸
少年禁取恁淒涼

又

夢想西池輦路邊
玉鞍驕馬小韜韉
春風十里鬪嬋娟
臨水登山漂泊地
落花中酒寂寥天
箇般情味已三年

又

鸚鵡驚人促下簾
碧紗如霧隔香奩
雪兒窺鏡晚娥纖
烏鵲橋邊河絡角
鴛鴦樓外月西南
門前嘶馬弄金街

又

鸚鵡無言理翠衿
杏花零落晝陰陰
畫橋流水半篙深
芳徑與誰期
闌草綉牀終日罷
拈針小牋香管寫春心

又

三扇屏山匝象牀背燈偷解素羅裳粉肌香汗自生香
易失舊歡勞蝶夢難禁新恨費鸞腸今宵風雨兩相
望

清平樂

陰晴未定薄日烘雲影臨水朱門花一徑度日鳥啼人
靜厭厭幾許春情可憐老去蘭成看取攝殘雙鬢不
隨芳草重生

又

小桃初謝雙燕還來也記得年時寒食下紫陌青門遊
冶 楚館滿目春華可堪遊子思家惟有夜來歸夢不
知身在天涯

攤破浣溪沙

湖上秋深藕葉黃清霜銷瘦損垂楊洲嘴嫩沙斜照暖
睡鴛鴦 紅粉蓮娃何處在西風不為管餘香今夜月
明聞水調斷人腸

菩薩蠻

子規啼夢羅窓曉
開奩拂鏡嚴粧早
粉碧畫丁香背垂
裙帶長
鈿箏尋舊曲
愁結眉心綠
猶恨夜來時
酒狂歸太遲

又

章臺遊冶金龜婿
歸來猶帶醺醺醉
花漏怯春宵
雲屏無限嬌
絳紗燈影背
玉枕釵聲碎
不待宿醒銷
馬嘶催早朝

燭影搖紅

波影翻簾，淚痕凝燭，青山館。離魂千里，念佳期襟珮如
相款。惆悵更長夢短，但衾枕餘芳，賸暖半窗明月照。
人腸斷。啼鳥不管。

下水船

芳草青門路，還拂京塵東去。回想當年離聲送，君南浦。
愁幾許，樽酒留連薄暮。簾卷津樓，烟雨凭闌語。草草
蘅皋賦，分首驚鴻不駐。燈火虹橋難尋，弄波微步，漫凝

佇莫怨無情流水明日扁舟何處

惜雙雙

皎鏡平湖三十里碧玉山圍四際蓮蕩香風裏綵鴛鴦
覺雙飛起 明月多情隨舵尾偏照空牀翠被回首笙
歌地醉更衣處長相記

憶仙姿

綵舫解維官柳樓上誰家紅袖團扇弄微風如為行人
招手回首回首雲斷武陵溪口

又

蓮葉初生南浦兩岸綠楊飛絮向晚鯉魚風斷送綵帆
何處凝佇凝佇樓外一江烟雨

思越人

紫府東風放夜時步蓮穠李伴人歸五更鐘動笙歌散
十里月明燈火稀香苒苒夢依依天涯寒盡減春衣
鳳凰城闕知何處寥落星河一雁飛

又

悵悵離亭斷綵襟
碧雲明月兩闌心
幾行書尾情何限
一尺裙腰瘦不禁
遙夜半曲房深
有時昵語話於今
侵牕冷雨燈生暈
淚濕羅牋楚調吟

風流子

何處最難忘
方豪健放樂五雲鄉
彩筆賦詩禁池芳草
杏韉調馬輦路垂楊
綺筵上扇偎歌黛
淺汗裊舞羅香
蘭燭伴歸綉輪同載
閉花別館隔水深坊
零落少年場
琴心漫流怨帶
眼偷長無奈占牀
燕月欺鬢吳霜念

壯地音塵魚封永斷便橋烟雨鶴表相望好在後庭桃
李應記劉郎

鶴沖天

鑿鑿鼓動花外沉殘漏華月萬枝燈還清晝廣陌衣香
度飛蓋影相先後箇處頻回首錦坊西去期約武陵溪
口當時早恨歡難偶可堪流浪遠分携久小畹蘭英
在輕付與何人手不似長亭柳舞風眠雨伴我一春銷
瘦

小重山

花院深疑無路通，碧紗窻影下玉芙蓉。當時偏恨五更鐘，分携處，斜月小簾櫳。
楚夢冷，沉蹤一雙金縷枕，半牀空。畫樓臨水鳳城東。樓前柳，憔悴幾秋風。

又

飄徑梅英雪未融，芳菲消息到杏梢。紅隔年歡事水西東。凝思久不語，坐書空。
回想夾城中，綵山簫鼓沸綺羅。叢鈿輪珠網，玉花驄。香陌上誰與鬪春風。

薄倖

淡粧多態更滴滴頻流眄眄便認得琴心先許與寫合
歡羅帶記畫堂斜月逢迎輕顰淺笑嬌無奈待翡翠屏
開芙蓉帳掩與把香囊偷解自過了收燈夜都不見
踏青挑菜幾回憑雙燕丁寧深意往來却恨重簾礙知
何時再正春濃酒暖人閒晝永無聊賴厭厭睡起猶有
花梢日在

六州歌頭

少年俠氣交結五都雄肝膽洞毛髮聳立談中死生同
一諾千金重推翹勇矜豪縱輕蓋擁聯飛鞚斗城東轟
飲酒壚春色浮寒甕吸海垂虹間呼鷹嗾犬白羽摘彫
弓狡穴俄空樂匆匆似黃梁夢辭丹鳳明月共漾孤
蓬官冗從懷倥傯落塵籠簿書叢鵠弁如雲衆供鹿用
忽竒功笳鼓動漁陽弄思悲翁不請長纓繫取天驕種
劒吼西風恨登山臨水手寄七絃桐目送歸鴻

攤破浣溪沙

雙鳳簫聲隔綵霞朱門深閉七香車何處探春尋舊約
謝姑家 旖旎細風飄水麝玲瓏殘雪浪山茶飲罷西
廂簾影外玉蟾斜

浣溪沙

翠縠參差拂水風暖雲如絮撲低空麗人波臉覺春融
纓掛寶釵初促席檀膏微注玉栢紅芳醪何似此情
濃

又

雲母牕前歇繡針
低鬟凝思坐調琴
玉纖纖按十三金
歸卧文園猶帶酒
柳花飛度畫堂陰
只憑雙燕話春心

又

疊鼓新歌百樣嬌
銅丸玉腕促雲謠
揭簾飛瓦電聲焦
九曲池邊楊柳陌
香輪軋軋馬蕭蕭
細風粧面酒痕銷

江城子

麝薰微度繡芙蓉翠衾重畫堂空前後偷期相見却勿
勿心事兩知何處問依約是夢中逢 坐疑行聽竹牕
風出簾櫳香無蹤已過黃昏才動寺樓鐘暮雨不來春
又去花滿地月朦朧

浪淘沙

一葉忽驚秋分付東流殷勤為過白蘋洲洲上小樓簾
半卷應認歸舟 回首戀朋遊迹去心留歌塵蕭散夢
雲收惟有樽前曾見月相伴人愁

金人捧露盤

控滄江排青嶂燕臺涼駐綵仗樂未渠央巖花磴蔓妬
千門珠翠倚新粧舞閒歌悄恨風流不管餘香 繁華
夢驚俄頃佳麗地指蒼茫寄一笑何與興亡量船載酒
賴使君相對兩胡牀緩調清管更為儂三弄斜陽

浣溪沙

蓮燭啼痕怨漏長冷蛩隨月到回廊一屏烟景畫瀟湘
連夜斷無行雨夢隔年猶有著人香此情須信是難

忘

又

閒把琵琶舊譜尋
四絃聲怨却沉吟
燕飛人靜畫堂深
歌枕有時成
雨夢隔簾無處說
春心一從燈夜到如今

又

宮錦袍薰冰麝香
越紗裙染鬱金黃
薄羅依約見明粧
繡陌不逢攜手伴
綠牕誰是畫眉郎
春風十里斷人腸

腸

又

青翰舟中袂袂筵粉蛾窺影兩神仙
酒闌飛去作飛烟
重訪舊遊人不見
雨荷風蓼夕陽天
折花臨水思茫茫
然

又

浮動花釵影鬢蟬
淺粧濃笑有餘妍
酒醺檀點語凭肩
浮動花釵影鬢蟬
淺粧濃笑有餘妍
酒醺檀點語凭肩
留不住時分鈿鏡舊
曾行處失金蓮
碧雲芳草恨年

年

又

兩點春山一寸波
當筵嬌甚不成歌
動人情態可須多
金井露寒風下葉
畫樓雲斷月侵河
厭厭此夜奈愁何

又

清淺陂塘藕葉乾
細風疎雨鷺鷥寒
半垂簾幕倚欄干
惆悵采香人不見
幾回憔悴後庭蘭
行雲可是度江

難

又

樓角初銷一縷霞
淡黃楊柳帶棲鴉
玉人和月摘梅花
笑撚粉香歸洞戶
更垂羅幙護窻紗
東風寒似夜來些

木蘭花

珮環聲認腰肢軟
風裏麝熏知近遠
此生常羨玉粧臺
得見曉來梳畫面
回廊幾步通深院
一行繡衣簾不

捲酒闌歌罷欲黃昏腸斷歸巢雙燕燕

臨江仙

送鄞令李易初

舒信道

折柳門前鸚鵡綠河梁小駐歸船不堪華髮對離筵孤
村啼鴉日深院落花天文采弟兄真疊玉赤霄去路
誰先明朝便恐各風烟江山如有恨桃李自無言

點絳脣

周圍分題得湖上聞樂

紫霧香濃翠華風轉花隨輦洞天雲暖一片笙歌遠
水殿龍舟憶侍瑤池宴閒庭院夢迴春半雪鬢無人見

散天花

次師能韻

雲斷長空葉落秋寒江烟浪靜月隨舟西風偏解送離
愁聲聲南去雁下汀洲無奈多情去復留驪歌齊唱
罷泪爭流悠悠別恨幾時休不堪殘酒醒凭危樓

醉花陰

試茶

露芽初破雲腴細玉纖纖親試香雪透金瓶無限仙風
月下人微醉相如病渴無佳思知君此意矢口老盧
郎花底春寒羸得空無睡

又 越州席上官妓獻梅花

月幌風簾香一陣正千山雪盡冷對酒樽傍無語含情
別是江南信 壽陽粧罷人微困更玉釵斜襯擬挿一
枝歸只恐風流著上潘郎鬢

虞美人 寄公度

芙蓉落盡天涵水日暮滄波起背飛雙燕貼雲寒獨向
小樓東畔倚闌看 浮生只合樽前老雪滿長安道故
人早晚上高臺贈我江南春色一枝梅

又 周園欲雪

酒邊陡覺羅衣暖，獨倚黃昏看寒鴉。
兩兩下樓東，著處暗雲垂地一重重。
紅爐歡坐誰能醉，多少看花意謝娘也。
擬帶春風便道無端柳絮，逼簾櫳。

又 蔣園醉歸

重簾小閣香雲暖，黛拂梳粧淺玉簫。
一曲杜韋娘，誰是蘇州刺史斷人腸。
醉歸旋撥紅爐火，卻倚屏山坐銀缸。
明滅月橫斜，還是畫樓角送小梅花。

醜奴兒

次師能韻

一池秋水疎星動寒影橫斜滿坐風花紅燭紛紛透絳
紗江湖散誕扁舟裏到處如家且盡流霞莫管年來
雨鬢華

一落索

蔣園和李朝奉

正是看花天氣為春一醉醉來却不帶花歸倩不解看
花意試問此花明媚將花誰比只應花好是年年花
不似人憔悴

又

葉底枝頭紅小天然窈窕後園桃李謾成蹊問占得春
多少 不管雪消霜曉朱顏長好年年若許醉花間待
拚了花間老

滿庭芳

重陽前席上次元直韻

寒日穿簾澄江憑檻練光浮動餘霞蓼汀蘆岸黃葉襯
孤花天外征帆隱隱殘雲共流水無涯登臨處瓊枝歛
灑風帽醉歌斜 豐年時節好玉香田舍酒滿漁家簞

浮世勞生事事輸他便恁從今酩酊休更問白雪籠紗
還須仗神仙妙手傳向畫圖誇

又後一日再置酒次馮通直韻

紅葉飄零寒烟疎淡樓臺半在雲間望中風景圖畫也
應難又是重陽過了東籬下黃菊闌珊陶潛病風流載
酒秋意與人閒霞冠歌倒處瑤臺唱罷如夢中還但
醉裏贏得滿眼青山華髮看看滿也留不住當日朱顏
平生事從頭話了獨自却凭欄

又送權府蘇臺道宗朝奉

閭闔天門芙蓉春殿幾年目斷雞翹短蓬秋鬢端幸倚
瓊瑤南圃花邊小院西湖雲底雙橋歸時節紅香露冷
月影上芭蕉明朝那可望旗亭煙草柳渡寒潮但萬
戶千門恨客歌樵戲綵光浮袞綉鳴珂響逼雲霄應回
首綺裘醉客還是獨吹簫

卜筮子

分題得苔

池臺小雨乾門巷香輪少誰把青錢襯落紅滿地無人

掃 何時鬪草歸幾度尋花了留得佳人蓮步痕宮樣
鞋兒小

菩薩蠻

三年江上風吹淚天桃艷杏無春意今日欲開眉那堪
更別離 莫折長亭柳折盡愁依舊只有醉如狂人生
空斷腸

又

柳橋花塢南城陌朱顏綠髮長安客雨後小池臺尋常

載酒來 馬頭今日路却望城西去斜日下汀洲斷雲
和泪流

又

畫船撻鼓催君去高樓把酒留君住去住若為情西江
潮欲平 江潮容易得只是人南北今日此樽空知君
何日同

又

畫簷細雨偏紅燭疎星冷落排寒玉賭得碧雲篇金波

更涉船樽前當日客行色垂楊陌天濶水悠悠含情
獨倚樓

又

杜鵑啼破南江月香風撲面吹紅雪賦就縷金牋黃昏
醉上船年華雙短鬢事往情何盡明日各天涯來春
空好花

又次劉郎中賞花韻

朱簾乍捲層煙起露華深淺初疑洗困倚玉欄風綺羅

知幾重 向人如有意不醉何時醉便得一枝紅猶勝
兩鬢空

又 席上送寅亮通直

小池山額垂螺碧綠紅香裏眠鷗鵲波面翠雲開仙槎
天上來 吹將紅日落懊惱嚴城角風月此時情知君
華髮生

又 送奉化知縣秦奉議

一回別後一回老別離易得相逢少莫問故園花長安

君是家 短亭秋日晚 草色隨人遠 欲醉又還醒 江樓暮角聲

又

樽前休話人生事 人生只合樽前醉 金盞大如船 江城風雪天 綺牕燈自語 一夜芭蕉雨 玉漏為誰長 枕衾殘酒香

又

樓前流水西江道 江頭水落芙蓉老 畫鼓疊涼波 凭欄

顰翠娥 當年金馬客青鬢蘆花色把酒感秋蓬驪歌
半醉中

又

綺櫳深閉桃園曲劉郎老向花間宿笑臉抹流霞心知
是小琶 纖纖垂素玉掠鬢春雲綠彈了醉恩仙小牕
紅日偏

又 次張秉道韻

真珠酒滴琵琶送行雲舊識巫山夢空得醉中歸老來

心事非 江梅含日暖照水花枝短密葉似商量向人
春意長

又

小亭露壓風枝動鵲爐火冷金瓶凍悄悄對西窓瘦知
羅帶長 欲眠思殢酒坐聽寒更久無賴是青燈開花
故故明

又

流年又見風沙送鈞天回首清都夢塞雁幾時歸鏡中

雙鬢非 綠袍同冷暖誰道交情短愁斛若為量還隨
一線長

又 次瑩中元歸韻

白蘋洲渚垂楊岸藕花未放青蒲短斜日畫船歸背人
雙鷺飛 醉眠金馬客不道風塵隔紅影上牕紗小庭
空落花

又 湖心寺席上賦茶詞

金船滿引人微醉紅綃籠燭催歸騎香泛雪盈杯雲龍

疑夢回 不辭風滿腋
舊是仙家客空得夜無眠
南窓衾枕寒

又 別意

江梅未放枝頭結
江樓已見山頭雪
待得此花開知君
來不來 風帆雙畫鷁
小雨隨行色空得鬱金裙
酒痕和泪痕

又 次韻

香波淥暖浮鸚鵡
黃金捍撥天絃語
小雨落梧桐簾櫳

殘燭紅 人生閒亦好雙鬢催人老莫惜醉中歸醒來
思醉時

又

綠牕酒醒春如夢小池猶見紅雲動露濕井梧桐翠陰
生細風 雨過芳塘淨清晝閒中永門外立雙旌隔花
聞笑聲

又

憶曾把酒償紅翠舞腰柳弱歌聲細縱馬杏園西歸來

香滿衣 寶車空犢駐事逐孤鴻去搔首立江干春蘿
掛暮山

蝶戀花

置酒別公度座間探題得梅

雪後江城紅日晚暖入香梢漸覺玲瓏滿
髮鬢臨風粧半面水簾斜捲誰庭院
折向樽前君細看便是江南
寄我人還遠手把此枝多少怨小樓橫笛吹腸斷

又

深炷薰爐扃小院手撚黃花尚覺金猶淺
回首畫堂雙

語燕無情漸漸看人遠
相見爭如初不見短鬢潘郎
斗覺年華換最是西風吹不斷
心頭往事歌中怨

減字木蘭花

用舊韻戲吳奉議

眉山斂額往事追思空手拍雁字頻飛
生怕人來說著
伊閒拋綉履愁殢香衾
渾不起莫似揚州只作尋常
薄倖休

又賦錦帶

碎紅如繡搖曳東風垂綵綬
擬倩柔條約住佳人細柳

腰 蜀江春綠爭似枝頭能結束纖手攀時欲綰同心
寄與誰

木蘭花

次韻贈歌妓

十二闌干寒畫箔取次穿花成小酌綵鸞舞罷鳳孤飛
回首東風空院落杳杳桃源仙路邈晴日曉牕紅薄
薄傷春還是懶梳粧想見綠雲垂鬢脚

又

金絲絡馬青錢路笑指玉皇香案去點衣柳陌墮殘紅

拂面風橋吹細雨 曉釵壓鬢頭慵舉 恨裏歌聲兼別
苦西湖一頃白菱花惆悵行雲無覓處

又蔣園口號

瑠琤一片春湖面 畫舫遊人簾外見 水邊風嫩柳低眠
花底雨乾鶯細囀 鞦韆寂寂垂楊岸 芳草綠隨人漸
遠一番樂事又闌珊 金盞莫辭紅袖勸

浣溪沙 次權中韻

燕外青樓已禁烟 小寒猶自薄勝綿 畫橋紅日下鞦韆

惟有樽前芳意在應須沉醉倒花前綠牕還是五更天

又和葆光春晚飲會

金縷歌殘紅燭稀梁州舞罷小鬟垂酒醒還是獨歸時
畫棟日高來語燕綺牕風暖度游絲幾多綠葉上青

枝

又和仲聞對棋

黑白紛紛小戰爭幾人心手關縱橫誰知勝處本無情

謝傳老來思別墅杜郎閒去憶廛兵何訪談笑下遼

城

又 勸酒

雨洗秋空斜日紅青葱瑤轡玉玲瓏好風吹起

闕

江東

且盡紅裙歌一曲莫辭白酒飲千鍾人生半在別離

中

又

闕

點碧塘雨荷風捲綠羅裳管絃

闕

魚根

游女謾能歌白紵使君不學野鴛鴦桃花空解誤劉

郎

鵲橋仙

呂使君餞會

教來歌舞接成桃李盡是使君指似於今裝就滿城春
忍便擁雙旌歸去鶯心巧嚙花心爭吐無計可留君
住兩堤芳草一江雲早晚是西樓望處

應天長

葉少蘊

松陵秋已老正柳岸田家酒醕初熟鱸膾蓴羹萬里水

天相續扁舟凌浩渺寄一葉暮濤天沃青簫笠西塞山
前自翻新曲來往未應足便細雨斜風有誰拘束陶
寫中年何待更須絲竹鴟夷千古意笑入手比來尤速
最好處千點雲峰半篙澄渌

水調歌頭

濠州觀魚臺作

渺渺楚天濶秋水去無窮兩淮不辨牛馬輕浪舞回風
獨倚高臺一笑圍圍游鯈來往還戲此波中危檻對千
里落日照澄空子非我安知我意真同鵬飛鴟化何

有滄海漫沖融堪笑磻溪遺老白首直鉤溪畔歲晚忽
衰翁功業竟安在徒自兆非熊

又

九月望日與客習射西園余偶疾不能射客較
勝相光將領岳德弓強二石五斗連三發中的

觀者盡驚因作此詞示坐
客前一日大風是日始寒

霜降碧天靜秋事促西風寒聲隱地初聽中夜入梧桐
起瞰高城回望寥落關河千里一醉與君同疊鼓鬧清
曉飛騎引彫弓歲將晚客爭笑問衰翁平生豪氣安
在沉頓為誰雄何似當筵虎士揮手絃聲發處雙雁落

遙空老矣真堪愧回首望雲中

又送人

江海渺千里飄蕩歎流年等閒足馬相過乘興却脩然
十載悲歡如夢撫掌驚呼相語往事盡飛烟此會真難
偶此醉且留連酒方半誰輕使動離絃我歌未闕君
去明日復山川空有高城危檻縹緲當筵清唱餘響落
尊前細雨黃花後飛雁點遙天

念奴嬌

南歸渡揚子作雜用淵明語

故人漸近念淵明歸意翛然誰論歸去來今秋已老松
菊三徑猶存稚子歡迎飄飄風袂依約舊衡門琴書蕭
散更欣有酒盈尊惆悵萍梗無根天涯行已徧空負
田園去矣何之牕戶小容膝聊倚南軒倦鳥知還晚雲
遙映山氣欲黃昏此還真意故應欲辨忘言

又 中秋燕客有懷吳江長橋

洞庭波冷望氷輪初轉滄海沉沉萬頃孤光雲陣卷長
笛吹破層陰洶湧三江銀濤無際遙帶五湖深酒闌歌

罷至今鼉怒龍吟 回首江海平生漂流容易散佳期
難尋縹緲高城風露夾獨倚危檻重臨醉倒清樽嫦娥
應笑猶有向來心廣寒宮殿為余聊借瓊林

臨江仙

聞道今年春信早梅花不怕餘寒憑君先向近南看香
苞開也未莫待壯枝殘 腸斷隴頭它日恨江南幾驛
征鞍一杯聊與盡餘歡風情何所似老去未應閒

又雪後寄周十

夢裏江南渾不記。祇君幽戶難忘。夜來急雪繞東塘。竹
牕松徑無處問歸航。甕底新醅應已熟。一樽知與誰
嘗。會須雄筆卷蒼茫。雪濤隱戶瓊玉照顏牆。

又與客湖上飲

不見跳魚翻曲港。湖邊特地經過。蕭蕭疎雨亂風荷。微
雲吹散涼月墮平波。白酒一盃還徑醉。歸來散髮婆
娑。無人能唱採菱歌。小軒欹枕簷影掛星河。

又送人還姑蘇重寄程致道

碧瓦新霜侵曉夢黃花已過清秋風帆何處掛扁舟故
人歸欲盡殘日更回頭 樂圃橋邊煩借問有人高卧
江樓寄聲聊為訴離憂桂叢應已老何事久淹留

又席上次韻韓文若

聞道安車來過我百花未敢飄零疾催絃管送杯行五
朝瞻舊老揮麈聽風生 鳳詔遠從天上落高堂燕喜
初醒莫言白髮減風情此時誰得似飲罷却精明

又

三月鶯花都過了曉來雪片猶零
嵩陽居士記行行西湖初水滿
遙想縠紋生欲為海棠傳信息
如今底事長醒不應高卧頓忘情
當時風月在相見眼終明

又次韻洪思誠席上

潏灩湖光供一笑未須醉日論千
將軍曾記舊臨邊野塘新水滿
烟岸藕如船却怪情多春又老
回腸易逐愁煎何如旌騎鬱相連
凱歌歸玉帳錦帽碧油前

又十一月二十四日同王幼安洪思誠過曾存之園亭

學士園林人不到傳聲欲問江梅曲欄清淺小池臺已
知春意近為我著詩催 急管行觴圍舞袖故人坐上
三台此歡此宴固難陪不辭同二老倒載習池迴

又次韻答幼安思誠存之席上梅花

不與羣芳爭絕艷化工自許寒梅一枝臨晚照歌臺眼
明渾未見絃管莫驚催 記取劉郎歸去路他年應話
天台酒闌不惜更重陪夜寒衣袂薄猶有暗香迴

又正月二十四日晚至湖上

三月疾風吹浩蕩綠蕪未遍平沙約回殘影射明霞水
光遙泛坐烟柳卧欹斜霜鬢不堪春點檢留連又過
芳華一枝重插去年花此身江海夢何處定吾家

浣溪沙

重陽前一日登極目亭

小雨初迴昨夜涼繞籬新菊已催黃碧空無際卷蒼茫
千里斷鴻供遠目十年芳草掛愁腸緩歌聊與送遙
觴

又

綠野歌歡喜見分驟驚和氣曉來勻妙歌誰敢和陽春
梅蘂舊年迎臘雪月華今夜破黃昏獨醒爭笑楚人
魂

水龍吟

二月十日西湖燕客作

對花常欲留春恨春故遣花飛早晚來雨過綠陰新處
幾番芳草一片飄時已知消減滿庭誰掃料多情也似
愁人易感先催赴朱顏老猶有清明未過但狂風忽
忽難保酒醒夢斷年年此恨不禁相惱只恐春應暗留

芳信與花爭好有姚黃一朶慙慙付與送金樽倒

賀新郎

睡起啼鶯語掩青苔房櫳向晚亂紅無數吹盡殘花無人見惟有垂楊自舞漸暖靄初回輕暑寶扇重尋明月影暗塵侵尚有垂鸞女驚舊恨鎮如許江南夢斷橫江渚浪粘天蒲萄漲綠半空烟雨無限樓前滄波意誰採蘋花寄取但悵望蘭舟容與萬里雲帆何時到送孤鴻目盡千山阻重為我唱金縷

滿庭芳

三月十七日雨後極目亭同張敏叔程致道

麥隴如雲清風吹破夜來疎雨纔晴滿川烟草殘照落
微明縹緲危欄曲檻遙天盡日脚初平青林外參差暝
靄縈帶遠山橫孤城春已過綠陰是處時有鶯聲問
落絮游絲畢竟何成信步蒼苔繞遍真堪付閒客閒行
微吟罷重回皓首江海渺遺情

又二公和示復用韻寄酌

楓落吳江扁舟搖蕩暮山斜照催晴此心長在秋水共

澄明底事經年易
拚驚遺恨悄悄難平
臨風處佳人萬里
霜笛為誰橫
長城誰敢犯
知君五字元有詩
聲笑茅舍何時歸
計真成綠鬢朱顏
老盡柴車在行
即終行聊相待
狂歌醉舞雖老未忘情

滿江紅

重陽賞菊時余已除代

一朶黃花先催報
秋歸消息滿芳枝
凝露為誰裝飾
便向樽前拚醉倒
古今同是東籬側
問何須特地賦歸來
拋彭澤回首去年時
節開口笑真難得
使君今郡更

自成行客霜鬢不辭重挿滿他年此會何人憶記多情
曾伴小欄干親攀摘

又

雪後郊原烟林靜梅花初折春初半猶自探春消息一
眼平蕪看不盡夜來小雨催新碧笑去年携酒折花時
君應識 蘭舟漾城南陌雲影淡天容窄繞風漪十頃
暖浮晴色恰似槎頭收釣處坐中仍有江南客問何如
兩槩下茗溪吞雲澤

點絳脣

晚出刀山謝眷初植蘭榭側近復生紫芝二本

高柳蕭蕭睡餘已覺西風勁小牕人靜淅瀝生秋聽

底事多情欲與流年競殘雪暝墜中牖整獨立芝蘭徑

又 紹興乙卯登絕頂小亭

縹緲危亭笑談獨在千峰上與誰同賞萬里橫烟浪

老去情懷猶作天涯想空惆悵少年豪放莫似衰翁樣

南歌子

四月二十六日集客臨芳觀

麥隴深初轉桃溪曲漸成綠槐重疊午陰清更有榴花

一朶照人明 畫棟清微暑疎簾入晚晴請君坐待穀
紋平看取紅幢綠蓋引前旌

鷓鴣天

十二月二十二日同許幹譽賞梅

不怕微霜點玉肌恨無流水照冰姿與君著意從頭看
初見今年第一枝 人醉後雪晴時江南春色寄來遲
使君本是花前客莫怪慙懃為賦詩

又 元夕次韓譽韻

夾路行歌盡落梅篆烟香細裊寒灰雲移碧海三山近

月破中天九陌開
追樂事惜多才
車聲遙聽走晴雷
十年夢斷釣天奏
猶記流霞醉後杯

虞美人

雨後同幹譽方卿置酒林檎花下

落花已作風前舞
又送黃昏雨
曉來庭院半殘紅
惟有游絲千丈裊晴空
慙慙花下重攜手
更盡杯中酒
美人不用斂歌眉
我亦多情無奈酒闌時

又

極目亭望西山

翻翻翠葉梧桐老
雨後涼生早
葛巾藜杖正闌情
莫遣

繁蟬容易作秋聲 遙空不盡青天去 一抹殘霞暮病
餘無力厭躋攀為寄曲欄幽意到西山

又上巳席上

一聲鶗鴂催春晚芳草連空遠年年遺恨怨殘紅可是
無情容易愛隨風 茂林修竹山陰道千載誰重到半
湖流水夕陽前猶有一觴一詠似當年

又二月小雨達旦西關獨卧寒甚不能寐時牕前
梨花將謝

數聲微雨風驚曉燭影歌殘照客愁不奈五更寒明日

梨花開盡有誰看 追尋猶記清明近為向花邊問東
風正使解欺儂不道花應有恨也匆匆

卜筭子

三月八日夜鳳凰亭納涼

新月掛林梢暗水鳴枯沼時見疎星落盡簷幾點流螢
小歸意了無多故作連環繞欲寄新聲問採菱水濶
烟波渺

木蘭花

二月二十六日晚雨集客湖上

花殘却似春留戀幾日餘寒吹酒面濕烟不隔柳條青

小雨池塘初有燕
波光縱使明如練
可奈落紅紛似
霰解將心事訴東風
只有流鶯千種囀

減字木蘭花

前村夜半每為江梅腸
欲斷淺紫深紅誰信
漫天雪裏
逢醉頭扶起宿酒闌干
猶困倚更莫催殘明日東風
為掃看

滿庭芳

次舊韻答蔡州王道濟見寄

一曲離歌烟村人去
馬頭微雪新晴
隔年光景回首近

清明斷送殘花又老春波淨湖水初平誰重到雕欄盡
日遙想畫橋橫 高城凝望久何人為我重唱餘聲問
桃李如今幾處陰成老去從游似夢樽前事空有經行
猶能記慇懃寄語多謝故人情

醉蓬萊

辛丑寓楚州上巳日有懷許下西湖作此
詞寄曾存之王仲弓

問春風何事斷送繁紅便拚歸去牢落征塗笑行人羈
旅一曲陽關斷雲殘靄做渭城朝雨欲寄離愁綠陰千
轉黃鶯空語 遙想湖邊浪搖空翠絃管高風亂花飛

絮曲水流觴有山翁行處翠袖朱欄故人應也弄畫船
烟浦會寫相思樽前為我重翻新句

臨江仙

癸卯次葛魯卿法華山勸酒韻

山半飛泉鳴玉珮回波倒卷鱗鱗醉巾聊濯十年塵青
山應卻怪此段久無人行樂應須賢太守風流過眼
逡巡不辭常作坐中賓只愁花解笑衰鬢不宜春

定風波

七月望趙倅置酒與魯卿同泛酒登駱駝
橋待月

千步長虹跨碧流兩山浮影轉螭頭付與詩人都總領

風景更逢仙客下瀛洲
嫋嫋涼風吹汗漫平岸遙空
新卷絳河收却怪嫦娥真好事須記探支明月作中秋

又魯卿見和復答

斜漢初看素月流坐驚金餅出雲頭
華髮蕭然吹素領
光景何妨分付屬滄洲
莫待霜花飄爛漫蘋岸更憑
佳句盡拘收解與破除消萬事誰記一樽同得二年秋

八聲甘州

甲辰承詔堂知止亭初畢工劉無言相過作

寄知還倦鳥對飛雲無心兩難齊漫飄然欲去悠然且

止依舊山西十畝荒園未徧趣雨卻鉏犂敢忘隣家約
有酒同携 沉是崑前新創帶小軒橫絕松桂成蹊試
憑高東望雲海與天低送滄波浮空千里照斷霞明滅
卷晴蜺君休笑此生心事老更沉迷

水龍吟

八月十三日與強少逸遊道場山小方舟
中流命工吹笛舟尾迎月歸

柁樓橫笛孤吹暮雲散盡天如水人間底事忽驚飛墮
冰壺千里玉樹風清漫披遙卷與天無際料嫦娥此夜
慙慙徧照知人在千山裏 常恨孤光易轉仗多情使

君料理一杯起舞曲終須寄狂歌重倚為問飄流幾逢
清影有誰同記但尊中有酒長追舊事判年年醉

卜筮子

木芙蓉九日旦盛開作

小雨洗新粧艷艷驚衰眼不趁東風取次開待得清霜
晚曲港照回流影亂微波淺作態低昂好自持水濶
烟林遠

水調歌頭

癸丑中秋作

河漢下平野香霧卷西風倚空千嶂橫起銀闕正當中

常恨年年此夜醉倒歌呼誰和何事偶君同莫恨歲將
晚容易感梧桐 覽清影君試為問天公遙知玉斧初
斲重到廣寒宮付與孤光萬千里不遣微雲點綴為我
洗長空老去狂猶在應未笑衰翁

又

秋色漸將晚霜信報黃花小牕低戶深映微路遶歌斜
為問山翁何事坐看流年輕度拚却鬢雙華徙倚望滄
海天靜水明霞 念平昔空飄蕩徧天涯歸來三徑重

掃松竹本吾家却恨悲風時起冉冉雲間新雁邊馬怨
鳴笳誰似東山老談笑靜塵沙

臨江仙

西園右春亭新成作

手植千株桃李樹參差半已成陰主人何事馬駸駸二
年江海路空負種花心試向中間安小檻此還長要
追尋却驚搖落動悲吟春歸知早晚為我變層林

又

乙卯八月九日南山絕頂作臺新成與客賞月作

絕巔參差千嶂列不知空水相浮下臨湖海見三州落

霞橫晚景為客小遲留 卷盡微雲天更濶此行不負
清秋莫驚河漢近人流青霄元有路一笑倚瓊樓

又

明日與客復登臺再用前韻

一醉三年那易得應須大白同浮已知絕景是吾州
嫦娥仍有意更肯為人留 萬籟無聲遙夜永人間未識
清秋從來我客盡風流故知憐老子尤勝在南樓

又

明日小雨已而風大作復晚晴遂見月與客再登

卷地驚風吹雨去却看香霧輕浮遙知清影徧南洲萬

峰橫玉立誰為此山留
解后一歡須共惜年年長說
今秋平生江海恨飄流元龍真老懶無意卧高樓

又
去歲中秋南山臺初成與徐敦立氏昆仲連三日極飲其上月色達旦無纖雲當作臨江仙三

首今歲敦立在館中招章幾道與三朱復會詒芳亭追懷去年之集復用舊韻作

一醉年年今夜月酒船聊更同浮恨無羯鼓打梁州遺
聲猶好在風景一時留老去狂歌君勿笑已拚雙鬢
成秋會須擊節泝中流一聲雲外笛驚看水明樓

右贈坐客世傳梁州西涼府初進此曲會明皇游月

宮還記霓裳之聲適相近因作羽衣曲以梁州名之
是夕約諸君明夜泛舟故云

又

草草一年真逼夢此生不恨萍浮且令從事到青州已
能從辟轂那更詔封留好月尚尋當日約故人何啻
三秋瑤琴欲寫竹間流此聲誰解聽空上仲宣樓

點絳脣

丙辰八月二十七日雨中與何彥亭小飲

山上飛泉漫流山下知何處亂雲無數留得幽人住

深閉柴門聽盡空簷雨秋還莫小牕低戶惟有寒蛩語

菩薩蠻

已未五月十七日贈無住道人

經年不踏斜橋路青山試問誰為主密葉轉迴風寒泉

落半空此間無限興可便荒三徑明日下扁舟滄波

莫浪遊

鷓鴣天

東坡嘗有詩曰荷盡已無擎雨蓋菊殘猶有傲霜枝一年好處君須記最是橙黃橘

綠時此非吳人無以知其為佳也余居有小池種荷移植十本於池側每秋晚常喜誦此句因

少增損以鷓鴣天歌之

一曲青山映小池。綠荷陰盡雨離披。何人解識秋堪美。
莫為悲秋浪賦詩。携濁酒，遶東籬。菊殘猶有傲霜枝。
一年好處君須記。正是橙黃橘綠時。

天仙子

趙德麟

宿雨洗空臺榭瑩。下盡珠簾寒未定。花開花落幾番晴。
春欲竟，愁未醒。池面杏花紅透影。一紙短書言不盡。
明月清風還記省。玉樓香斷又添香。閒展興臨好景心。
似亂萍，何處整。

浣溪沙

劉平叔出家妓人八人絕藝乞詞贈之脚絕歌絕琴絕舞絕

穩小弓鞋三寸羅歌唇清韻一櫻多燈前秀艷總橫波
指下鳴泉清杳渺掌中回旋小婆娑明朝歸路奈情
何

菩薩蠻

輕鷗欲下春塘浴雙雙飛破春烟綠兩岸野薔薇翠櫳
薰繡衣
凭船閒弄水中有相思意憶得去年時水邊
初別離

又

長淮渺渺寒烟白
憑欄人是霜臺客
詩句妙春豪風雲
不啻高樽前人已老
餘恨連芳草
一曲酒醒時
梧桐月欲低

又

春風試手先梅蕊
瓊姿冷艷明沙水
不受衆芳知
端須月與期
清香閒自遠
先向釵頭見
雪後燕瑤池
人間第一枝

好事近

急雨漲谿渾小樹帶山秋色輕棹暮天歸路裊芙蓉烟
白酒醒香冷夢回時蟲聲正淒絕只覺小牕風月與
昨宵都別

小重山

樓上風和玉漏遲趺躔庭院靜百花飛午牕才起暖金
卮勻面了闌畔看春池何事苦顰眉碧雲春信斷儘
來時鴛鴦游戲鎮相隨雲霧斂新月掛天西

又

雨霽風高天氣清
玉盤浮出海轉空
明小牕簾影冷如
冰愁不寐獨自傍
堦行 情似浪頭輕
一番銷欲盡一
番生無言惆悵到
參橫人欲起鵲鴦
幾聲鳴

蝶戀花

欲減羅衣寒未去
不捲珠簾人在深
深處紅杏枝頭花
幾許啼痕止恨清
明雨 盡日沉烟香
一縷宿酒醒遲
惱破春情緒飛燕
又將歸信悞小屏
風上西江路

又

卷絮風頭寒欲盡
墜粉飄香日日紅
成陣新酒又添殘
酒困今春不減前
春恨蝶去鶯飛無處問
隔水高樓望斷雙魚信
惱亂橫波秋一寸
斜陽只與黃昏近

西江月

人世一場大夢
我生魔了十年
明牕千古探遺編
不救饑寒一點
更被維摩老子不教
此處容言
爐薰清炷
坐安禪物物頭頭顯現

滿庭芳

玉枕生涼金缸傳曉敗葉飛破清秋雨餘翻浪渺渺阻
行舟暫繫汀洲側畔風夜起荻葉添愁銀屏遠龍香漸
盡還似夢揚州更籌何太永當年情事今日堪酌最
苦恨紅樓笑我飄浮為寄相思細字教字字愁蹙眉頭
淒涼久漁人唱曉隨月過橫溝

清平樂

春風依舊著意隨堤柳搓得鵝兒黃欲就天氣清明時

候 去年紫陌青門今宵雨魄雲魂斷送一生憔悴只
銷幾個黃昏

思遠人

素玉朝來有好懷一枝梅粉照人開晴雲欲向盃中起
春色先從臉上來 深院落小樓臺玉盤香篆看徘徊
須知月色撩人恨數夜春寒不下堦

臨江仙

阿方初出

枝上粉香吹欲盡依前庭院春風更誰同遶摘芳叢漏

殘金獸冷信斷錦屏空
看結燈花愁不睡酒闌無夢
相逢淒涼長判一生中不如雲外月永夜在房櫳

虞美人

光化道中寄家

畫船穩泛春波渺夕雨寒聲小紫烟深處數峰橫驚起
一灘鷗鷺照川明雨樓今夜歸期誤恨入欄干暮可
堪春事滿春懷不似珠簾新燕早歸來

浣溪沙

王晉卿筵上作

風急花飛晝掩門一簷殘雨滴黃昏便無離恨也銷魂

翠被任薰終不暖玉盃慵舉幾番溫箇般情事與誰
論

又

槐柳春餘綠漲天酒旗高插夕陽邊誰家牆裏笑鞦韆
往事不堪樓上看新愁多向曲中傳此情銷得是何
年

又

一朶夢雲驚曉鴉數枝春雨帶梨花坐來殘月冷牕紗

釵鳳謾曾留得半枕山猶是枕時斜對花今日奈天

涯

又

水滿池塘花滿枝亂香深裏語黃鸝東風輕軟弄簾幃

日正長時春夢短燕交飛處柳烟低玉牕紅子鬪棋

時

又

少日懷山老住山一官休務得身閒幾年食息白雲間

似我樂來真是少見人忙處不相關養真高靜出塵
寰

鷓鴣天

前段張文潛詩但有此句正為咸平劉生
作余作後段為鷓鴣天贈之

可是相逢意便深為郎巧笑不須金門前一尺春風髻
牕內三更夜雨衾情渺渺信沉沉青鸞無路寄芳音
山城鐘鼓愁難聽不解襄王夢裏尋

又

藍良輔知閣舟中晚坐會上作

麝發雕爐小袖籠天教我輩此時同橙經霜重香方滿

菊到秋深色自濃
船檻內月明中
插花歸去莫匆匆
人生更在艱難內
勝事年來不易逢

臨江仙

王履道

鳳撥鵲絃鳴永夜
興疑人在潯陽
輕雲薄霧隔新粧
但聽兒女語
倏忽變軒昂
且看金泥花
鄣面指痕初印
紅桑幾多餘暖
與真香
移船猶自可
卷幕又何妨

清平樂

煙雲千里一抹
西山翠碧瓦紅樓
山對起樓下飛花流

水 錦堂風月依然後池蓮葉田田縹緲貫珠歌裏從
容倒玉樽前

御街行

謝賜衣袂

清霜飛入蓬萊殿別進雲裘軟却回宸意多寒詔語日
邊親遣水蠶綿厚金鵬好永夜縫宮線 紅旌絳旆迎
星傳喜氣歡聲遠廟堂勛舊使臺賢袖領坐中爭綯天
香馥馥君恩歲歲一醉春生面

木蘭花

送耿太尉

堯天雨露承新詔珂馬風生趨急召玉符曾將虎牙軍
金殿還陞龍尾道征西鎮北功成早仗鉞登臺今未
老樽前休更說燕然且聽陽關三疊了

清平樂

花時微雨未減春分數占取簾疎花密處把酒聽歌金
縷斜風輕度濃香閒情正與春長向晚紅燈入坐嘗
新青杏催觴

小重山

棖燭垂珠清漏長酒黏衫袖濕有餘香紅牙雙捧旋排
行將歌處相向更勻粧明月映東牆海棠花徑密迸
流光遲留春筍緩催觴菊堂靜人已候虛廊

水龍吟

游池作三月十八日觀水嬉上梁鳳池

魏臺長樂坊西畫樓側影烟波遠東風與染揉藍春水
灣環清淺浴鷺翹莎戲吹飛絮落紅漂卷為遊人盛縱
蘭舟綵舫飛輕棹凌波面樂事年來乍見趁旌旗谷
鶯嬌轉追隨況有珠簾紅袖濃香紺幘蕭寺高亭茂林

斜照且留芳宴看韶華爛向樽前放手作梨花晚

蝶戀花

翠袖盤花金撚線曉炙銀簧勸飲隨深淺複幕重簾誰
得見餘曛微覺紅浮面別喚清商開綺宴玉管雙橫
抹起梁州遍白紵歌前寒莫怨湘梅萼裏春那遠

又

千古銅臺今莫問流水浮雲歌舞西陵近烟柳有情看
不盡東風約定年年信天與麟符行樂分帶緩裘輕

雅宴催雲鬢翠霧縈紆銷篆印箏聲恰度秋鴻陣

江神子

寄李祖武翟淳老

荷花遶水水漫溪柳低垂亂蟬嘶捨轡何妨臨水照征衣
一扇香風搖不盡人念遠意淒迷騎鯨仙子已相知
數歸期賦新詩更想翟公門外雀羅稀陶令此襟塵
幾許聊欲向壯牕披

虞美人

贈李士美

清商初入韶華管宮葉秋聲滿草麻初罷月嬋娟想見

明朝喜色動天顏
樽盃滿勸龍頭客
榮遇時方得詞
源三峽瀉瞿塘
便是醉中宣去也
無妨

洞仙歌

深庭夜寂但涼蟾如畫
鵲起高槐露華透
聽曲樓玉莞吹徹伊州金釧
響車軋朱扉暗扣
迎人巧笑道好个
今宵怎不相尋
暫携手見淡淨晚粧殘
對月偏宜多情
更越饒纖瘦甚
早促分飛霎時休
便恰似陽臺夢雲歸
後

一落索

送王伯紹帥慶陽

塞柳未傳春信
霜花侵鬢
送君西去
指秦關看日近長
安近
玉帳同時英俊
合離無定路
逢新雁
壯飛來寄
一字燕山問

六花隊冬詞蝶戀花并口號

長春花口號

露桃烟杏逐年新
回首東風迹已陳
頃刻開花公莫愛
四時俱好是長春

詞

曲徑深叢枝裊裊暈粉柔綿破萼烘清曉十二番開寒
最好此花不恨春歸早霜女飛來紅翠少特地芳菲
絕艷驚衰草只殢東風終甚了久長欲伴姮娥老

山茶口號

無窮芳草度年華尚有餘寒幾種花好在朱朱漸白白
一天飛雪映山茶

詞

巧剪明霞成片片欲笑還顰金藥依稀見拾翠人寒粧
易淺濃香別注唇膏點竹雀喧喧烟岫遠曉色溟濛
六出花飛遍此際一枝紅綠眩畫工誰畫雲屏面

蠟梅口號

雪裏園林玉作臺侵寒須認暗香回化工清氣先誰得
風格高竒是蠟梅

詞

剪蠟成梅天著意黃色濃濃對萼勻裝綴百和薰肌香

旖旎仙裳應灑薔薇水
雪徑相逢人半醉手折低枝
擁髻雲爭翠艷藥撚枝無限思玉真未洒梨花泪

紅梅口號

千林臘雪綴瑤瑰晴日南枝暖獨回却為和羹尋鼎實
未春先發是紅梅

詞

青玉枝頭紅藥吐粉頰愁寒濃與胭脂傳辨杏猜桃君
莫誤天姿不到風流處雲破月來花上住要共佳人

弄影參差舞只有暗香來繡戶昭華一曲驚吹去

迎春口號

年華節物欲爭新翠袖朱顏一笑頻勾引東風到池館
春花先自有迎春

詞

雪霽花梢春欲到殘臘迎春一夜花開早青帝回輿雲
縹緲鮮鮮金雀來飛繞繡閣紗牕人嫋嫋翠縷紅絲
鬪剪番兒小戴在花枝爭笑道願人常共春難老

小桃口號

鴛瓦鋪霜朔吹高
畫堂歌管醉香醪
小春特地風光好
嫩粉嬌紅看小桃

詞

穠艷天桃春信漏
弄粉飄香楓葉飛
丹後酒入冰肌紅
欲透無言不許羣芳鬪
欄外佳人呵玉手
剪落金刀
挿處濃雲覆
肯與劉郎仙去否
武陵回首相思瘦

水龍吟

晁次膺

夜來深雪前村路應是早梅先綻故人贈我江頭春信
南枝向暖疎影橫斜暗香浮動月明清淺向庭邊驛畔
行人立馬頻回首空腸斷別有玉溪仙館壽陽人初
勻粧面天教占了百花頭上和羹未晚最是關情處高
樓上一聲羌管仗誰人向道爭如留取倚朱欄看

又

嶺梅香雪飄零盡紅杏枝頭猶未小桃一種天饒偏占
春工用意微噴丹砂半含朝霧粉牆低倚正春寒露井

高樓簾外爭凝睇東風裏
好是佳人半醉近橫波一
枝嬌媚玄都觀裏武陵溪
上空隨流水惆悵餘紅雨風
不定五更天氣念當年門裏
如今陌上灑離人泪

又

小桃零落春將半雙燕却來池館
名園相倚初開繁杏
一枝遙見竹外斜穿柳間深映
粉愁香怨任紅歌宋玉
墻頭十里曾牽惹人腸斷
嘗記山城斜路噴清香日
遲風暖春陰到後馬前惆悵
滿枝紅淺深院簾垂雨愁

人處碎紅千片到明年更發多應更好約隣翁看

滿庭芳

天與疎慵人憐憔悴分甘拋棄簪纓有時乘興波上葉
舟輕十里橫塘過雨荷香細蘋末風清真如畫殘霞淡
日偏向柳梢明凝情塵網外鱸魚旋鱠芳酒深傾又
笑來何須身外浮名無限滄浪好景簑笠下且遣餘生
長歌去機心盡矣鷗鷺莫相驚

又

綠遶羣峰紅搖千柄夜來暑雨初收若君乘興輕舸信
悠悠且盡一樽別酒荷香裏滿酌輕謳明朝去征帆夜
落何處好汀洲風流吾小阮朝辭東觀夕向南洲沉
聖時爭教賈傅淹留若遇潯陽亭上琵琶泪莫灑清秋
堤邊柳從今愛惜留待繫歸舟

又

雪滿貂裘風搖金轡笑看錦帶吳鉤照人青鬢年少定
封侯此去馬蹄何處山萬疊濟水南州君知否廬郎未

老曾是恣狂遊 風流佳麗地十年屈指一夢回頭最
難忘西湖北渚澄秋玉砌雕欄好在桃共李曾憶人不
衰翁也多情為我將恨寄紅樓

又

北渚澄瀾南山凝翠望中渾似仙鄉萬家烟靄朱戶鎖
垂楊好似飛泉漱玉回環遍小曲深坊西風裏芙蓉帶
雨飄散滿城香 微涼湖上好橋虹倒影月練飛光命
玳簪促席雲鬢分行誰似風流太守端解道春草池塘

須留戀神京縱好此地也難忘

綠頭鴨

錦堂深獸爐一噴沉烟紫檀槽金泥花面美人斜抱當
筵掛羅綬素肌瑩玉近鸞迴雲鬢梳蟬玉筍輕櫳魚紋
細抹鳳凰飛出四條絃碎牙板煩襟消盡秋氣滿庭軒
今宵月依稀向人欲鬪嬋娟變新聲能翻往事眼前
風景依然路漫漫漢妃出塞夜悄悄商婦移船上愁
思江邊怨感分明都向曲中傳困無力勸人金盞須要

倒垂蓮拚沉醉身世恍然一夢游仙

又

晚雲收淡天一片琉璃爛銀盤來從海底皓色千里澄
輝瑩無塵素娥淡泞靜可數丹桂參差玉露初零金風
未凜一年無似此佳時向坐久疎星時度烏鵲正南飛
瑤臺冷欄干凭暖欲下遲遲念佳人音塵隔後對此
應解相思最關情漏聲正永暗斷腸花影潛移料得來
宵清光未減陰晴天氣又爭知共凝戀如今別後還是

隔年期人縱健清樽素月長願相隨

清平樂

深沉玉宇枕簟清無暑睡起花陰初轉午一霎飛雲過
雨雨餘隱隱殘雷夕陽却照庭槐莫把朱簾垂下妨
他雙燕歸來

醉桃源

又是青春將暮望極桃源歸路洞戶悄無人空鎖一庭
紅雨凝佇凝佇人面不知何處

行香子

別恨綿綿屈指三年再相逢情分依然君初霜鬢我已
華顛況其間有多少恨不堪言 小庭幽檻菊蕊爛斑
近清宵月已嬋娟莫思身外且鬪樽前願花長好身長
健月長圓

驀山溪

風流心胆直把春償酒選得一枝花綺羅中笑來未有
名園翠苑風月最佳時夜迢迢車款款是處曾攜手

重來一夢池館皆依舊幽恨寫新詩託何人章臺問柳
漁舟歸後雲鎖武陵溪水潺潺花片片艤棹空回首

又

輕衫短帽重入長安道屈指十年中一回來一回漸老
朋遊在否落托更能無朱絃悄知音少撥斷相思調
花邊柳外蕭洒愁重到深院鎖春風悄無人桃花自笑
金釵一股擬欲問音塵天杳杳波渺渺何處尋蓬島

菩薩蠻

午陰未轉晴
牕暖無風著
地楊花滿
睡起日猶長
捲簾紅杏香
春心無處定
又作花時病
芳草伴離愁
綿綿早晚休

又

百花未報芳
非信一枝探
得春風近
只有雪爭光
更無花似香
孤標天賦與
冷艷誰能顧
庭院好深藏
莫教開路傍

又迴紋

捲簾風入雙雙燕燕雙雙入風簾捲明月曉啼鶯鶯啼
曉月明斷腸空望遠遠望空腸斷樓上幾多愁愁多
幾上樓

又

遠山眉映橫波臉臉波橫映眉山遠雲鬢插花新新花
挿鬢雲斷魂離思遠遠思離魂斷門掩未黃昏昏黃
未掩門

少年遊

建溪靈草已先嘗歡意尚難忘未放笙歌暫留簪珮猶
有紫芝湯 醉中纖手慙慙捧欲去斷人腸絳蠟迎歸
繡鞍扶下笑語盡聞香

漢宮春

晁叔用

黯黯離懷向東門繫馬南浦移舟薰風亂飛燕子時下
輕鷗無情渭水問誰教日日東流常是送行人去後烟
波一向離愁 回首舊遊如夢記踏青殢飲拾翠狂游
無端綵雲易散覆水難收風流未老拚千金重入揚州

應又似當年載酒依前名占青樓

玉蝴蝶

目斷江南千里灞橋一望烟水微茫盡鎖重門人去暗
度流光雨輕輕梨花院落風淡淡楊柳池塘恨偏長珮
沉湘浦雲散高唐清狂重來一夢手搓梅子煮酒初
嘗寂寞經春小橋依舊燕飛忙玉鈎欄凭多漸暖金縷
枕別久猶香最難忘看花南陌待月西廂

感皇恩

小閣倚晴空數聲鐘定斗柄寒垂暮天淨向來殘酒盡
被晚風吹醒眼前還認得當時景舊恨與新愁不堪
重省自歎多情更多病綺牕猶在敲遍欄干誰應斷腸
明月下梅搖影

又

蝴蝶滿西園啼鶯無數水閣橋南路凝佇兩行烟柳吹
落一池飛絮鞦韆斜掛起人何處把酒勸君閒愁莫
訴留取笙歌住休去幾多春色禁得許多風雨海棠花

謝也君知否

又

寒食不多時牡丹初賣小院重簾燕飛礙昨宵風雨只
有一分春在今朝猶自得陰晴快熟睡起來宿醒微
帶不惜羅襟揜眉黛日高梳洗看看花陰移改笑摘雙
杏子連枝戴

臨江仙

雙舸亭亭橫晚渚城中飛觀嵯峨畫橋燈火照清波玉

鈎平浸水金鎖半沉河 試問無情堤上柳也應厭聽
離歌人生無奈別離何夜長嫌夢短淚少怕愁多

又

憶昔西池池上飲年年多少歡娛別來不寄一行書尋
常相見了猶道不如初 安穩錦屏今夜夢月明好渡
江湖相思休問定如何情知春去後管得落花無

又

謾道追歡惟九日年年此恨偏濃今朝吹帽與誰同黃

花都未拆和淚泣西風 應恐登臨腸更斷故教烟雨
迷空為君一曲送飛鴻誰能推轂我深入醉鄉中

漁家傲

浦口潮來沙尾漲危檣半落帆游漾水調不知何處唱
風淡蕩鰕魚吹起桃花浪 雪盡小橋梅蕊放層樓一
任愁人上萬里長安回首望山四向澄江日色如春釀
傳言玉女

一夜東風吹散柳梢殘雪御樓烟暖正鰲山對結簫鼓

向晚鳳輦初歸宮闕千門燈火九街風月
綉閣人人乍嬉遊困又歇笑勻粧面把朱簾半揭
嬌波向人手撚玉梅低說相逢常是上元時節

如夢令

簾外新來雙燕珠閣瓊樓穿遍香徑得泥歸飛
戲池塘波面誰見誰見春晚昭陽宮殿


又

牆外轆轤金井驚夢瞢騰初省深院閉斜陽燕入
陰陰

簾影人靜人靜花落鳥啼風定

又

門在垂楊陰裏樓枕曲江春水一陣牡丹風香壓滿園
花氣沉醉沉醉不記綠牕先睡



樂府雅詞卷中